

Jöbia ai 8, Festa de S. Maria de Setëmber sarál dales 11:00 na Santa Mëssa sön Gherdenacia.


I pelegrins da Desproch vëgn indô en domënia, ai 11 de setëmber sô Oies. Ai tignará spo dales 14:00 te dlijia da S.Linert na funziun.

Conzert a S. Maria: le cor Kerygma inviëia duc al conzert te dlijia de Badia en domënia ai 11 de setëmber dales 20:30

Curs de basa por fá scofuns de felter (Filzpatzchn) ai 3 de otober dales 19:30 te calonia a La Ila, organisé dal Consëi de Formaziun de Badia. Al vëgn metü a desposiziun le material (lana, spëisc y ater) y plates cun istruziuns da podëi tó para a ciasa. I partezipanc dess savëi da fá cialza sön le dërt y rodus ("stricken"). I podëis se scrí ite cina ai 28.09 pro Margit al nr. 340 3438709.


I jun a pe cun le KVV: i inviun duc en mercui, ai 7 de setëmber ala gita: *Giau - Averau - 5 Torri* che tirun ite deache ala é tomada fora l'ultima edema. I piun ia da Pedraces dales 08:00 y prenotesse pro Iaco (tel. 339 6257779) o Giuvana (tel. 338 2119002).

Le KVV La Ila deboriada cun l'Uniun Sport La Ila organisëia " *Ginastica sana 50+ "Aerobica lisiera por n corp tonich"* a La Ila, Palestra dla Scora Mesana, en mercui, ai 21 de setëmber, por 8 iadi dales 16:30 ales 17:30 cun l'istruturia Sofia Granruaz. Le prisc é de 80€ plö l'iscriziun al'US La Ila 20€. Iscriziun online söl sito www.uslaila.it → iscriziun. Por informaziuns 333 6898389 (Maria Angela).



N bun ann de scora 2022/23 y che le Signur benedëscess le laur di scholars, insegnanc y geniturs.

Impressum: Ploania, redaziun Cristina Frena
Comunicaziun cina jöbia sëra a parrocchiabadia@libero.it o frenocris49@gmail.com
Download plata: www.valbadiaonline.it/comunitè/unitèpastoralavalbadia/ploania-badia



Plata dla Ploania Badia

San Iaco - San Linert

Ploan: Siur Iaco Wendelin Willeit
Cell. 347 909 4532

Calonia Badia: 0471/839571

E-Mail: parrocchiabadia@libero.it

Radio dla Ploania: 91,10 Mhz

UNITÉ PASTORALA



www.unitepastorala.org

Ann „C“ 04.09. – 11.09.2022 XXIII° Domënia Tëmp Ordinar n. 41



Angelo di Dio
tu sei il mio custode
illumina e proteggi la
mia vita,
guida i miei passi
verso il Signore.
AMEN

Vangele dla proscima Domënia - 24° dl Ann "C"

Lüca 15,1-10

Te chël tëmp ê duc i publicans y i piciadus gnüs da Gejù a l'ascutie. I farisès y i studii dla lege bruntorâ porsura y dijô: Al se dá jö cun i piciadus y mangia cinamai impara. Sön chëra ti ál cunté na parabola y á dit: Sce un de os á cënt bisces y nen perd öna, ne lascel nia spo indô les nonantenü tla stëpa y ti vá do ala pordüda, cina ch'al ne la ciafa? Y do ch'al l'á ciafada, la tôlei plëgn de ligrëza sön les sciabes, y canch'al röia a ciasa, chërdel adöm sù compagns y sù vijins y ti dij: Ralegrësse cun mé; i á indô ciafé mia biscia che ê pordüda. I ves diji: Avisá insciö regnaral ince tl cil deplü ligrëza por n piciadú su che é dé ota, co por nonantenü iüsc che n'á nia debojëgn de dé ota. O sce na ëra á diesc drahmes y nen perd öna, ne impëiera nia spo na löm, scô dôta la ciasa y chir zëna lascé do, cina ch'ara ne ciafa la monëda? Y do ch'ara l'á ciafada, chërdera adöm sües compagnes y sües vijinesa y dij: Ralegrësse cun me; i a indô ciafé la drahma ch'i á pordü. I ves diji: Insciö regnëiel ligrëza ince pro i agni de Dî por n piciadú su, che dá öta.

FUNZIUNS SACRES

04.09. 23^a DOMÈNIA dl ANN C – Festa di Angeli Custodi

- 10.00 **Mëssa cun les families**
†ti Giuvana y Lois Irsara - aniversar
†to Franz Pitscheider
†to Paul Ploner
por fam de Irma Ploner
- 18.00 por fam. Roman y Annelies Pescosta
ad intenziun

05.09. Lünesc

- 09.30 **Mëssa dl prüm de de scora por chi dla elementara**
†ti Marianna y Giarone Vittur
†ti Obwegs

06.09. Mertesc

- 19.30 †ti Dapunt dla Villa Erna
†to Paul Valentini de Pic'Tita

07.09. Mercui

- 07.30 †to Franz Pedratscher - aniversar
†ti Peter y Maria Michaeler
†ti Lindo e Luigina

08.09. Jöbia - **Nativité de S. Maria / S. Maria de Setëmber**

- 11.00 *Mëssa sön Gherdenacia*

09.09. Vëndres

- 07.30 †to Ernst Dapunt
por les animes dl purgatore


10.09. Sabeda

- 11.00 Noza de Alex y Raffaella
16.00 Mëssa a Oies

11.09. 24^a DOMÈNIA dl ANN C

- 10.00 **Zelebrazion dla Parora**
14.00 *Funziun cun i pelegrins da Desproch*
18.00 †to Christof Irsara
por fam. Sandro y Emma Canins

Dala VITA dla CÛRA



Zelebrazions dl Bato a Badia por l'ann 2022:
ai 23 de otober y ai 18 de dezëmber.
Por aposté n Bato cherdede al nr. 347 9094532

La proscima **Preparaziun al Bato** sará en sabeda ai 10 de setëmber dales 15:00 a La Val. Geniturs che á n pice/picera müt/müta da batié é peria de se prenoté al nr. 328 0717796.

Mësses por le scomënciamënt dla scora en lünesc, ai 5 setëmber dales 08:00 a La Ila por la scora mesana y les scores altes dales 09:30 a Badia por la scora elementara.

Comuniun ai amará: siur Degan jará en mertesc ai 6 de setëmber dales 09:30 inant a proveder.

Sorvisc di Ministranc: i un albü na gran ligrëza cun le sorvisc di Ministranc a Badia por mirit de tan' de mituns y mitans, dl team y di geniturs y de tan' de porsones; ma da laldé y rengrazié.

Mo sègn adorunse indô na sbürta. I chiriun porsones che sorantól, ince te n team, le sorvisc da daidé organisé inant nösç Ministranc de Badia. I Ministranc dèida le Prou pro les zelebrazions liturgiches, mo ai ciafa ince instèsc n aiüt da tó pert cun plö devoziun ales Mësses y Festes y ai sint plö comunité deboriada. Porchël se periunse de tó sö nosc invit y se anunzié pro la Cûra.

Mëssa di Scolars: do la Mëssa al Scomenciamënt dl Ann de Scora, orunse ince indo tigní la Mëssa di Scolars de mercui daduman dales 07:25 dai 21 de setëmber inant. Al é na bela ocajiun da coltivé nosc amur al Signur y da impegné düc nösç talënc a so sorvisc. I adorun la colauraziun de tröpes families. Gnide tröc y s' aspetun.

Ch'él pa che dèida ala preparaziun di Sacramënc ?

Sciöche i un bele publiché, orunse ciamó n iade perié sce zacai se dèida cun l'aiüt de n curs de formaziun en chësc altonn. I adorun dër ciamó na porsona o l'atra por podèi tigní le curs tla Val Badia. Se informé y prenoté pro Annamaria Fiung tel. 347 5277810.

Siur Degan